



蘇文忠公集卷第十五

古詩七十五首

高郵陳直躬處士畫鴈二首

野鴈見人時未起意先改君從何處看得此無人態
無乃槁木形人禽兩自在北風振枯葦微雪落璀璨
慘淡雲水昏晶熒沙礫碎弋人悵何慕一舉渺江海
衆禽事紛爭野鴈獨閑潔徐行意自得俯仰若有節
我哀寄江湖老伴雜我鴨作書問陳子曉景畫蒼雪
依依聚圓沙稍稍動斜月先鳴獨鼓翅吹亂蘆花雪

雍秀才畫草蟲八物

促織

月叢號耿耿露葉泣漙漙夜長不自暖那憂公子寒

蟬

蛻形濁汗中羽翼便翾好秋來關河闊已抱寒莖槁

蝦蟇

悍目知誰瞋瞠腹空自脹慎勿困蜈蚣饑蛇不汝放

蜣螂

洪鍾起暗室飄瓦落空庭誰言轉丸手能作殷床作

雷聲

天水牛

兩角徒自長空飛不服箱為牛竟何事利吻穴枯

蝟虎

跂跂有足蛇脉脉無角龍為虎君勿笑食盡萬蠱尾

蝸牛

腥涎不滿殼聊足以自濡升高不知回竟作黏壁枯

鬼蝶

雙眉卷鐵絲兩翅暈金碧初來花爭妍忽去鬼無迹

大雪獨留尉氏

古驛無人雪滿庭有客冒雪來自北紛紛笠上已盈
寸下馬登堂面蒼黑苦寒有酒不能飲見之何必問

相識我酌徐徐不蒲觥看客倒盡不留濕千門晝閉
行路絕相與笑語不知夕醉中不復問姓名上馬忽
去橫短策

阮籍嘯臺在尉氏

阮生古狂達遁世默無言猶餘胸中氣長嘯獨軒軒
高情遺萬物不與世俗論登臨偶自寫激越蕩乾坤
醒為嘯所發飲為醉所昏誰能與之較亂世足自存

孫莘老寄墨四首

徂徠無老松易水無良工琢材取樂浪妙手惟潘翁
潘谷作墨雜用高麗煤魚胞熟萬杵犀角盤雙龍墨成不敢用

進入蓬萊宮蓬萊春畫永玉殿明房櫺金牋瀑飛白
瑞霧縈長虹遙憐醉常侍一笑開天容

給石琢馬肝刻藤開玉版噓噓雲霧出奕奕龍蛇縮
此中有何好秀色絲蒲眼故人歸天祿古漆窺蠹簡
喻糜給尚方老手擅編刻分餘幸見及流落一歎赧
我貧如飢鼠長夜空齧齧瓦池研竈煤菅管書柿葉
近者唐夫子遠致烏玉玦唐林夫寄張遇墨半丸先生又繼之

圭璧爛箱篋晴窓洗硯坐蛇蚓稍蟠結便有好事人
敲門求醉帖

吾窮本坐詩久服朋友戒五年江湖上閉口洗殘債

今來復稍稍快癢如爬疥先生不譏訶又復寄詩械
幽光發奇思黥黥出荒恠詩成一自笑故疾逢鰈蟹

贈眼醫王生彥若

鍼頭如麥芒氣出如車軸間關絡脉中性命寄毛粟
而况清淨眼内景含天燭琉璃貯沆瀣輕脆不任觸
而子於其間來往施鋒鏃笑談絲自若觀者頸為縮
運鍼如運斤去翳如拆屋常疑子善幻他技雜符祝
子言吾有道此理君未矚形骸一塵垢貴賤兩草木
世人方重外妄見及與玉而我初不知刺眼如刺肉
君看目與翳是翳要非目目翳苟二物易分如麥藋

寧聞老農夫去草更傷穀鼻端有餘地肝膽分楚
吾於五輪間蕩蕩見空曲如行九軌道並驅無擊
空花誰開落明月自臄胸請問樂全_聖忘言老尊宿

聖若
生門下醫也

王伯敬所藏趙昌畫四首

梅花

南來渡關山沙水清練練行人已愁心
殿勤小梅花髣髴吳姬面暗香隨我
至今開畫圖老眼淒欲泣幽懷不可
黃葵

弱質困夏水奇姿蘇曉涼低昂黃金杯
照初日光擅心自成暈翠葉森有芒
古來寫生人每得畫似昌晨粧與午
醉真態含陰陽君看此花枯中有風
露香

芙蓉

清殿已拂林積水漸收潦溪邊野芙蓉
花水相媚生看池蓮盡獨伴霜菊
搞幽姿強一笑暮景迫蓬窗
淒涼似貧女嫁晚驚寒早誰寫少年
容無人知面

山茶

蕭蕭南山松黃葉隨動風誰憐兒女花
酸入水雲中能傳歲寒姿古來惟丘
翁趙叟得其妙一洗彫飾空

掌中調丹砂染此鶴頂紅何須誇落墨
獨賞江南工

南都妙峯亭

千尋掛雲闕十頃含風灣開門弄清泚
照見雙銅鑲池臺半禾黍桃李餘榛
菅無人肯回首日暮車班班史君非
世人心與古佛閑時邀聲利客來洗
塵埃顏新亭在東阜飛宇凌通闌古
梵磨翠壁霜林散煙鬢孤雲抱高丘
芳草連杏山俯仰盡法界逍遙寄人
寰亭亭妙高峯了了蓬艾間五老壓
彭蠡三峯照潼關均為拳石小配此一
掬慳煩公為標指免使勤躋攀

金山妙高臺

我欲乘飛車東訪赤松子蓬萊不可到弱水三萬里
不如金山去清風半帆耳中有妙高臺雲峯自孤起
仰觀初無路誰信平如砥臺中老比丘碧眼照窓几
巉巖玉為骨凜凜霜入齒機鋒不可觸千偈如翻水
何須尋德雲即此比丘是長生未暇學請學長不死

贈杜介

元豐八年七月二十五日杜幾先自浙東還與余
相遇於金山話天台山之異以詩贈之

我夢游天台橫空石橋小松風吹茵露翠濕香嬾嬾
應真飛錫過絕澗度雲鳥舉意欲從之備然已松杪

微言絜珠玉未說意先了覺來如墮空耿耿窓戶曉
群生陷迷網獨逢從古少杜叟本何人長嘯萬物表
妻孥空四壁振策念輕矯遂為赤城游飛步凌縹緲
問禪不歸舍屢為瓠壺繞何人識此志佛眼自照燎
我夢若見之卓爾非魔媿仙葩發芳心梳剪刻分葵藿
從今更不出閉戶閑驛棗時從佛頂岩馳下雙蓮沼
揚康公有石狀如醉道士為賦此詩

楚山固多猿青者黠而壽化為狂道士山谷恣騰蹂
誤入華陽洞竊飲茅君酒君命四山石間岩石為械杻
松根絡其足藤蔓縛其肘蒼苔昧其目叢棘哽其口

三年化為石堅瘦敵瓊玖無復號雲聲空餘舞杯手
樵夫見之笑抱賣易升斗揚公海中仙世俗那得友
海邊逢姑射一笑微俛首胡不載之歸用此頑且醜
求詩紀其異本末得細剖吾言豈妄云得之亡是叟
迨作淮口遇風詩戲用其韻

我詩如病驥悲鳴向衰草有兒真驥子一噴群馬倒
養氣勿吟哦名聲忌太早風濤借筆力勢逐孤雲掃
何如陶家兒繞舍覓梨棗君看押強韻已勝郊與島
再過常山和昔年留別詩
偃樓山前叟迎我如迎新那知夢幻軀念念非昔人

江湖久放浪朝市誰相親却尋泉源去桃花逢避秦

遺直坊

富鄭公之客李君諱常登人也故太守李公諱師
中榜其間曰遺直而其子大方求詩於某為賦一
首

使君不浪出羔鴈親叩門先生但清坐薤水已多言
當時邦人化市無晨飲豚歲月曾幾何客主皆九原
曾經有餘歎楚些無歸魂我作遺直詩過者式其藩
次韻趙令鏐惠酒

神仙無石髓生世悲慙寓坐待玉膏流千載真旦暮

青州老從事，萬上非所部。惠然肯見從，知我憎市酤。
開瓶自洗盞，肴核誰與具。門前聽剥啄，烹魚得尺素。

送范純粹守慶州

才大古難用，論高常近迂。君看趙魏老，乃為滕大夫。
浮雲無根蒂，潢潦能須臾。知經幾成敗，得見真賢愚。
羽旄照城闕，談笑安邊隅。當年老使君，赤手降於菟。
諸郎更何事，折箠鞭其雛。吾知鄧平叔，不鬪月支胡。

次韻王定國謝韓子華過飲

楚有孫叔敖，長城隱千里。哀哉練裙子，負薪躡破履。
豈無故交親，逝去如覆水。不如老優孟，談笑託諧美。

世家不可恃，如倚折足几。祥符有賢相，手握天下砥。
懿敏亦名公，三貴德壽齒。蓋棺今幾日，公子誰料理。
誰要卿料理，欲說且止止。宅相開公府，久為蒼生起。
如何垂老別，冰盤餽蒼耳。親嫌妨鸚鵡，薦相對發微泚。
新詩如彈丸，脫手不移晷。我亦老賓客，苦語落紈綺。
莫辭二上章，有道貧賤耻。

次韻王觀正言喜雪

聖人與天通，有詔寬獄市。好語夜喧街，濕雲朝覆砌。
絲然退朝後，色映宮槐媚。欲夸剪刻工，故上朱藍袂。
我方執筆侍，未敢書上瑞。君猶伏閣爭高論，亦少慰。

霏霏止還作盎盎風與氣神龍久潛伏一怒勢必倍
行當見三白拜舞懽萬歲歸來飲君家酣詠追既醉

次韻和王鞏

謫仙竄夜郎子美耕東屯造物豈不惜要令工語言
王郎年少日文如餅水翻爭鋒雖剽甚聞鼓或一作忽
驚犇天欲成就之使觸羝羊籜孤光照微陋耿如月
在盆歸來千首詩傾寫五石樽却疑彭澤在頗覺蘇
州煩君看鄒忌子庶折配春溫知音必無人壞壁掛
桐孫

用王鞏韻送其姪王震知蔡州

九門挿天開萬馬先朝屯舉鞭紅塵中相見不得言
夜走清虛宿北門驚鵲翻君家汾陽家永巷車雷轉
夕郎方不夕列戟以自藩相逢開月閣畫簷低金盆
至今夢中語猶舉燈前搏阿戎脩玉牒未憚筆削煩
君歸助獻納坐纒岑與溫我客二子間不復尋諸孫

送顧子敦奉使河朔

我友顧子敦驅膽兩俊偉便便十圍腹不但貯書史
容君數百人一笑萬事已十年卧江海了不見愠喜
磨刀向猪羊釀酒會鄰里歸來如一夢豐頰愈茂美
平生批劾手濃墨寫黃紙會當勸燕然廊廟登劍履

翻然向河朔坐念東郡水河來屹一作不去如尊乃
勇耳

次顏子由送俞退翁知懷安軍

吾州同年交聚若琴上星當時功名意豈止拾紫青
事既喜遺願天或不假齡今如圖中鶴俯仰在一庭
吾州同年元十三人今存者六人而已故有琴上星圖中鶴之語西南正苦旱廢沼黏
枯萍翻然一麾去想見靈雨零我無謫仙句待詔沉
香亭空騎內廐馬天仗隨雲駟竟無絲毫補眷焉誰
汝令永愧舊山叟憑君寄叮嚀

諸公餞子敦軾以病不往復次前韻

君為江南英面作河朔偉人間一好漢誰似張長史
上書苦留君言拙輒報已置之勿復道出處俱可喜
攀輿共六尺食肉飛萬里誰言遠近殊等是朝廷美
遙知送別處醉墨爭淋紙我以病杜門商頌空振履
後會知何日一歡如覆水善保千金軀前言戲之耳
書鄆陵王主簿所畫折枝二首

論畫以形似見與兒童鄰賦詩必此詩定非知詩人
詩畫本一律天工與清新邊鸞雀寫生趙昌花傳神
如何此兩幅疎淡含精勻誰言一點紅解寄無邊春
瘦竹如幽人幽花如處女低昂枝上雀搖蕩花間雨

雙翎次將起衆葉絲目舉可憐採花蜂
清蜜寄兩股
若人富天巧春色入毫楮懸知君能詩
寄聲求妙語

昨見韓相公言王定國今日玉堂獨坐有懷

其人

畫卧玉堂上微風舉輕紈銅餅下碧井
百尺鳴飛瀾
俛仰清夢餘愛此一均寒似予平生友
苦語涼肺肝
秀眉玉兩頰矯矯如翔鸞置之江淮文
清詩洗江端
紅鱗對白酒信美非所安丞相功業成
逸家酒盃寬
人間有此客折簡呼不難相將扣東門
起舞盡餘歡

送張天覺得一字

西登太行嶺北望清涼山晴空浮玉髻
曉鵲卿雲間
餘光入岩石神草出茆管何人相指似
稍稍落人寰
能令墜指兒虬髯茁冰顏祝丑石如此
草爲民已痼瘕
我亦老且病眼花腰脚頑念富勤致此
莫作河東愜

送歐陽辯監澶州酒

汗血駕鼓車何從致千里紛紛糟麴間
欲試賢公子
君家江南英濯足滄浪水却度舊黃河
漲沙埋馬耳
由來付造物倚伏何窮已當念楚子文
三仕無愠喜

和王晉卿

駙馬都尉王詵晉卿功臣全彬之後也元豐二年

余得罪貶黃州而晉卿亦坐累遠謫不相聞者七
年余既召用晉卿亦還朝相見殿門外感歎之餘
作詩相屬託物悲慨既窮而不怨泰而不驕佳其
貴公子有志如此故次其韻

先生飲東坡獨舞無所屬當時挹明月對影三人足
醉眠草棘間蟲虺莫予毒醒來送歸鴈一寄千里目
悵馬懷公子旅食久不玉欲立書加餐字遠託西飛鵠
謂言相濡沫未足救溝瀆吾生如寄耳何者為禍福
不如兩相忘昨夢那可逐上書得自便歸老湖山曲
躬耕二頃田自種十年禾豈知垂老眼對此金蓮燭

公子亦生還仍分刺史竹賢愚有定分樽俎守尸祝
文章何足云執技等醫卜朝廷方西顧見虜驕未伏
遙知重陽酒白羽落黃菊羨君真將家浮面氣可掬
秦天網語實軌若語則亦
氣浮面為將勿多殺入何當請長纓一戰河湟復

送家安國教授歸成都

別君二十載坐失兩鬢青吾道雖艱難斯文終典刑
屢作退飛鷁羞看乾死螢一落戎馬間五見霜葉零
夜談空說劍春夢猶橫經新科復舊貫童子方乞靈
須煩凌雲手去作入蜀星蒼苔高朕室古柏文翁庭
初聞編簡香始一作覺鋒鏑腥岷峨有雛鳳梧竹養

脩翎嗚呼應懈律飛舞集虞廷吾儕便歸老亦足慰
餘齡

栢石圖詩

陳公弼家藏栢石圖其子慥季常傳寶之東坡居士作詩以為之銘

栢生兩石間天命本如此雖云生之艱與石相終始
韓子俯仰人但愛平地美土膏雜糞壤成壞幾何耳
君看此槎牙豈有可移理蒼龍轉玉骨黑虎抱金柅
畫師亦可人使我毛髮起當年落筆意正欲譏韓子
和王晉卿題李伯時畫馬

督郵有良馬不為吾人所竒顧收紙上影駿骨何由歸
一朝見縈策蟻封壘馬肉飛豈惟馬不遇人已半生癡

送程七表臣知泗州

江湖不在眼塵土必滿顏繫舟清洛尾初見淮南山
淮山相媚好曉鏡照煙鬟持此娛使君一笑簿領間
使君如天馬朝燕首不判蠻時無王良手空老十二閑
聊當出毫末化服姑與頑勿謂無人知古佛臨清灣
赤子見萬類流萍隨人豪但使可此人餘事真茆管

送曹輔赴閬中

曹子本儒俠筆勢翻濤瀾往來戎馬間邊風裂儒冠

詩成橫槩裏楮黑亦曾乾一旦事遠游紅塵隔岩灘
平生羊炙口並海抽鹹酸一從荔枝飲豈念首宿槃
我亦江海人市朝非所安常恐青霞志坐隨白髮闌
淵明賦歸去談笑便解官今我何為者索身良獨難
憑君問清淮秋水今幾竿我舟何時發霜露日已寒

次韻王郎乙巳風雨有感

百年一俯仰寒暑如主客稍增衰褐氣已覺團扇厄
不須計榮辱此喪姑以有獲我琴終不敗無攫故無醜
後生不自牧呻吟亦工挾策握苗不待長賣菜苦求益
此郎獨靜退門外亦無行迹但恐陶淵明每為飢所迫

淒風弄衣結小雪穿門亦席願君付一笑造物亦戲
朝來賦雲夢筆落風雨亦以為君裁春衫高會開桂籍

送周朝議守漢川

茶為西南病氓俗記二考亦子亦與何人折其鋒矯矯六
君子思道與姪元正孺張永小微君家尤出力流落初坐

此謂當收桑榆華髮看亦劍履胡為犯風雪歲晚行未
已念歸誠得計顧自為亦耳吾聞江漢間瘡痍有未
定莫輕亦遂老君王一作付尺筭召還當有詔挽袖

謝鄰里猶堪作水衡供帳亦園林美

送千乘千能兩姪還鄉

治生不求富讀書不求官譬如飲不醉陶然有餘歡
君看龐德公白首終泥蟻豈無子孫念顧獨遺以安
鹿門上塚回床下拜龍彎馬躬耕竟不起耆舊節獨完
念汝少多難冰雪落綺紉五子如一人奉養真色難
烹鷄獨餽母自饗首着船梁口腹恐一作累人寧我食
無肝西來四十里敝袍不言寒秀眉似我兄亦復心
閑寬忽然捨我去歲晚留餘酸我豈軒冕人青雲意
先闌汝歸時松菊環以青琅玕橙陰三年成可以掛
我冠清江入城郭小圃生微瀾相從結茆舍曝背談
金鑿

送周正孺知東川

得郡書生榮還家昔人重而况東西川千騎許上冢
里門下車入父老自驚聳端如何武賢不事長卿寵
清時養材傑杞梓方培擁未應遺合抱取用及把拱
如君尚出麾顧我宜耕壠告歸謝先手求去悔不勇
豈云慕廉退實負自知衰冗為君掃棠陰畫像或相踵

蜀中太守無不畫像者

次韻再送正孺

東川得望郎坐與西爭重高風傾石室舊學鄙文冢
蜀人安使君所至野不聳竹馬迎細侯大錢送劉寵

遙知向溪路老穉相扶擁看盡古叢祠百恠朝幽拱
牛頭與兜率雲木蔚堆壠醉鄉追舊游筆陣賈餘勇
聊將詩酒樂一掃簿書冗西風吹好句珠玉本無踵

劉峴文家
銘在梓州

文登蓬萊閣下石壁千丈為海浪所戰時有
碎裂淘洒歲久皆圜熟可愛土人謂此彈子
渦也取數百枚以養石菖蒲且作詩遺垂慈

堂老人

蓬萊海上峯玉立色不改孤根捍滔天雲骨有破碎
陽侯殺廉角陰火發光采纍纍彈丸間瑣細成珠琲

閻浮一漚耳真妄果安在持此石歸袖中有東海
垂慈老人眼俯仰了大塊置之盆盎中日與山海對
明年菖蒲根連絡不可解儻有蟠桃生日暮猶可待

次韻毛滂法曹感雨

江南佳公子遺我錦繡端攬之温如春公子焉得寒
興雨自有時膚寸便濛濛斂藏以自潤牛斗何足干
空庭月與影強結三支歡我豈不足歟要此清團團
所歡在一醉常恐樽中乾捨酒尚可樂明珠如彈丸
但恐千仞雀忽忽發虛彈迨子閑暇時種子田中丹
一朝涉世故空腹容欺謾我頃在東坡秋菊為夕餐

永愧坡間人布褐為我完雪堂初覆瓦上簞無下莞
時時亦設客每醉筒輒殫一笑便傾倒五年得輕安
公子豈我徒衣鉢傳一篋定非郊與島筆勢江河寬
悲吟古寺中穿帷雪漫漫他年記此味芋火對懶殘

送鄧宗古還鄉

廣漢有姜子孝悌行里閭赤眉雖豺虎弛兵過其墟
至今空清泉無復雙鯉魚南鄭有李邵妙得甘公書
夜坐指流星驚倒兩使車抱關不肯仕布褐蒙璠璣
西南固多士君得二子餘凜凜忠文公搜士及樵漁
澗溪有幽討蘋芷真嘉蔬歲晚終不食心惻當何如

參寥上人

初得智果院會者十六人分韻賦

詩某得心字

張水返舊壑飛云魚故岑念君忘家客亦有懷歸心
三間得幽寂數止歲清深攢金盧橘塢散火楊梅林
茶筍盡禪味松以真法音雲崖有淺井玉醴常半尋
遂名參寥泉可唯幽人襟相携橫嶺上未覺衰年侵
一眼吞江湖萬亦涵古今願君更小築歲晚解我簪

異鵲

熙寧中柯侯出常通守漳州以救饑得民有二鵲
栖其廳事訖侯之去鵲亦送之漳人異焉為賦此

詩

昔我先君子仁也
行於家家有五畝園
公鳳集桐花
是時烏與鵲巢
駭可俯拏憶我與諸兒
飼食觀群呀
里人驚瑞異野
天笑而嗟云
此方乳哺甚畏
鳶與蛇
手足之所及
二心初不敢加
主若可信
衆鳥不我避
故知中孚化可及
魚與蝦
柯侯古循吏
悃悃真無華
臨漳所全活
數等江干沙
仁心格異族
兩鵲栖其衙
但恨不能言
相對空楂楂
善惡以類應
古語良非夸
君看彼酷吏
所至號鬼車

故周茂叔先生濂溪溪山之下

世俗眩名實至人疑有無
怒移小中蟹愛及屋上烏
坐令此溪水名與先生俱
先生平生全德廉退乃一隅
因拋彭澤米偶似西山夫
遂即世所知以為溪之呼
先生豈我輩造物乃其徒
應同州柳聊使愚溪愚
連日與王忠玉張全翁遊
西湖訪北山清順
道潛二詩僧登垂雲亭
飲參寥泉最後過唐
州陳使君夜飲忠玉有詩
次韻答之

北山非自高千仞付我足
西湖亦何有萬象生我目
雲深人在塢風靜響應谷
與君皆無心信步行看竹
竹間逢詩鳴眼色奪湖淥
百篇成俯仰二老相追逐

故應千頃地池一作養此一雙鵝山高路已斷亭小膝
屢促夜尋三尺井渴飲半甌玉明朝開絃管寒食雜
歌哭使君坐無聊狂客來不速載酒有鷗夷扣門非
啄木浮蛆灑金盃翠羽出華屋須臾便陳迹覺夢那
可續及君未渡江過我勤秉燭一竹大換人壽百年終
鬼錄

次韻劉景文登介亭

澤國梅雨餘衰年困蒸溽高堂磨新塼頗覺利腰足
松根百尺井兩綆飛淨淥流觴聚兒童一笑為捧腹
清風信可馭剛氣在岩麓始知共此世物外無三伏

長歌入雲去不待絃管逐西湖真西子煙樹點眉目
濤江少醞藉高浪如雪屋俛仰撫四海百世飛鳥速
遠追錢氏餘近弔祖侯躅吾生如寄耳寸晷輕尺玉
誰似劉將軍逸韻謝邊幅千言一揮手五車不再讀
春岩彩鷄舞月峽哀猿哭朝先啼鳩起暮與寒蟬續
我老廢吟哦賴君時擊觸從今事遠覽餐輒此幽谷
清游得三昧至樂謝五欲莫作狂道士氣壓劉師服

袁公濟和劉景文登介亭詩復次韻答之

昏昏墮醉夢奈此六月溽君詩如清風吹我朝睡足
登臨得佳句江白照湖淥袖手獨不言默藁已在腹

是時風雨過藹藹雲歸林
星帶微月金火爭見伏
惜哉此清景變滅不可逐
歸來讀君詩耿耿猶在目
却思少年日聲價爭場屋
文如翻水成賦作义手速
秋風起鴻鴈一作鵠我亦繼華躅
那知君踳躅獨泣荆山玉
相見南新道青衫垂破幅
早知事大繆恨不十年讀
莫嗟馮唐老終勝賈誼哭
今年復為僚舊好許重續
升沉何足道等是蠻中觸
共為湖山主出入窮澗谷
衆馳君不爭人棄我所欲
何時神武門相約掛冠服

題楊次公春蘭

春蘭如美人不採羞自獻
時聞風露香蓬艾深不見
丹青寫真色欲補離騷傳
對之如靈均冠佩不敢燕
次京師韻送表弟程懿叔赴夔州運判

與子甥舅氏摧頽各蒼顏
為東諸侯長此佳江山
寒松無時花安得種髻髮
惟將老不死一笑榮枯間
我甚似樂天但無素與蠻
出冠及未耄當獲一紀閑
子亦拙進取才高命堅頑
譬如萬斛舟行此九折灣
仲氏新得道一漚自塵寰
石之弟德孺自言歲晚家鄉路
莫遣生荆菅

葉教授和溥字韻詩復次韻為戲記龍井之

游

先生魯諸儒飲食清不源空腸出秀句吟嚼五味足
華堂鬧絲管眸子漲春冰先生疾走避面冷毒在腹
歸來煮瓠葉劉昆事第子歌早簾聲淫及靈臺中有鹿
鹿伏功名一走免何用千人逐故應容我輩清坐時
閉目高亭石排衙木杪掛飛屋我來無時節客亦不
待速似聞雪髯叟西嶺訪遺躅朝陽入潭洞金碧涵
冰玉泉扉夜不扃雲社本無幅慈皇付寶偈神侶得
幽讀訥庵有老人宴坐工天魔哭時來獻纓絡法供燈
相續吾儕詩酒汗欲泚一無乃觸齋厨費晨炊車騎滿

山谷願聞第一義對非所欲便投切雲冠子幼好
奇服

辯才老師退居龍井不復出入某往見之常
出至風篁嶺左右盤曰遠公復過虎溪笑辯
才笑曰杜子美不云乎與子成二老來往亦
風流因作亭嶺上名之曰過溪亦曰二老謹
次辯才韻賦詩一首

日月轉雙轂古今同一立惟此鶴骨老凜然不知秋
去住兩無礙人天爭挽留去如龍出穴雷雨卷潭湫
來如珠還浦魚鱉爭駢頭此生暫寄寓常恐名實浮

我比陶令愧師為遠公優送我還過溪溪水當逆流
聊使此山人永記二老游大千在掌握寧有離別憂

送程之邵簽判赴闕

夜光不自獻天驥良難知從來一狐腋或出五穀皮
賢哉江東守收此幕中奇無華豈易識既得不自隨
留君望此府助我憐其衰二年促膝語一旦長挹辭
林深伏猛在岸反潛玆移去此當安從失君徒自悲
念君瑚璉質當今其臺閣宜去矣會南台豈常懷其私
寄題梅宣義園亭

仙人子真後深隱吳市門不惜十年力治此五畝園

初期橘為奴漸見桐古孫清池壓立虎吳石來湖龜
敲門無貴賤遂性各琴樽我本放浪人家寄西南坤
敵廬雖尚在小圃誰當樊次君欲歸去奈此未報恩
愛子幸僚友久要疑昆明年過君西飲我空餅盆
熙寧中某通守此郡除夜直都廳囚繫皆滿
日暮得返舍因題一詩于壁今二十年矣衰
病之餘復忝郡寄再經除夜庭事蕭然囹圄
皆空蓋同僚之力非拙朽所致因和前篇呈
公濟子作二通守

除日當早歸官事乃日兀留執筆對之泣哀此繫中囚

小人營饑糧墮網不知羞我亦戀薄祿因循失歸休
不須論賢愚均是為今謀誰能暫縱遣閔默愧前修
前詩

今和

山川不改舊歲月逝古日留百年一俯仰五勝更王囚
同僚比岑范德業前人羞坐令老鈍守嘯咏獲少休
却思二十年出處非人謀齒髮付天公缺壞不可修

次韻劉景文終分上元

華燈閱艱歲冷月掛空府三吳重時節九陌自歌舞
云從月幾望遂至一百五嘉辰可屈指樂事相繼武

今宵掃雲陣極目淨天宇嬉遊各忘歸闌咽頃未覩
飛越互明滅激水相吞吐老去反兒童歸來尚饒鼓
新年消暗雪舊歲添絲縷何時九江城相對兩漁父

予舊欲卜居廬山
景文近買宅江州

次韻曹子方龍山真覺院地而香花

幽香結淺紫來自孤雲岑骨香不白知色淺意殊深
移栽青蓮宇遂冠蒼筤林結為楚丘佩散落天女襟
君持風霜節耳冷歌笑音一逢蘭蕙忌管稍回鐵石心
置酒要妍暖養花須晏陰及此陰晴間恐致慳嗇霖
彩雲知易散鷄鵠憂先吟明朝便隨迹試看丹青臨

次韻仲殊雪中游西湖二首

夜半初夢覺稍聞折葦聲起續凍折絃為鼓一再行
曲終天自明玉樓已崢嶸有懷二三子落筆先飛雲
共為竹林會身與孤鴻輕秀語出空谷餓身窮詩乃亨
禪老復何為笑指孤煙生我獨念以樂者誰與予目成
寶雲樓閣開千門林靜初無一鳥啼閉戶莫教風掃
地卷簾疑有月臨軒水光潏灩猶澄碧山色空濛已
斂昏乞得湯休奇絕句始知鹽絮且是陳言

送小正禪師赴法雲

寓形天宇間出處會有役淡然都無營百年何由畢

山林等憂患軒冕亦戲劇我未即歸休師寧便安遠
王城蒲豪傑議論紛黑白聖諦第一義對面誰不識
師來亦何事孤月掛空碧是身如浮雲安可限南北
出岫本無心既雨歸亦得珠泉有舊約何年掛鉗錫

蘇文忠公集卷第十六

古詩六十八首

留別叔通元弼坦夫

田三昔同寮向我每傾倒當年或齟齬反覆看愈好
寇三我部民孝悌化鄰保有如袁伯業苦學到衰老
石生吾邑子勁立風中草宦遊甌生塵菽水媚翁媪
我窮交舊絕計拙集枯槁三子尤見存往復紛紛縞
迎我淮水北送我睢陽道願存金石契凜凜貫華皓
余歸自道場何山遇大風因憇耘老溪亭命
官奴秉燭捧硯寫風竹一枝題詩云

更將掀舞勢把燭盡風篠美人為破顏憐此腰肢裊
過南華寺

云何見祖師要識本來面亭亭塔中入問我何所見
可憐明上座萬法了一電飲水既自知指月無復眩
我本修行人三世積精練中間一念失受此百年譴
摳衣禮真相感動淚雨霰借師錫端泉洗我綺語硯

和寄天選長官

寓形宇宙間俟我方以老流光安足恃百歲同過鳥
頃子縈網羅文采緣自表自古山林人何曾識機巧
但記寒岩翁論心秋月皎黃香十年推曰禪學衆衆妙

虛懷養天和肯徇奔走開官居職事理晨起何用早
桐陰滿西齋叱吏供灑掃眷予東南來野飯煮芹藜
葆光既清尚令尹亦高蹈相將古寺行軟語頽晚照
公家有畸人黝黝嶠人虛緣能自保卜築嵩山陽何
行一作當從結好中山饒勝景一覽未易飽何時命巾
車共陟雲外嶠翻然一作筋力疲不復追踴跳公詩
擬南山雄拔千丈峭形容逼真遯迨識其要藩籬
吾未窺敢議窮閭入

昭陵六馬唐文皇戰馬也琢石象之立昭陵
前客有持此石本示予為賦之

天將剗隋亂帝遣六龍來森然風雲姿颯爽毛骨開
飈馳不及視山川儼莫回長鳴視八表擾擾萬駑駘
秦王龍鳳姿魯鳥不足摧腰間大白羽中物如風雷
區區數豎子搏取若提孩手持掃天六合如塵埃
艱難濟大業一一非常材維時六驥足績與英衛陪
功成鏘八鸞玉輅行天街荒涼昭陵闕古石埋蒼苔

顏闔

顏闔古有道躬耕白衣食區區魯小邦不足隱明德
軺軒來我門聘幣纒金壁出門應使者耕稼不謀國
但疑誤將命非敢憚行役使者反錫命戶庭空履迹

薄俗徇也
余截趾履之適所重易所輕隋珠彈飛翼
伊人畏照影獨往就陰息鼎姐薦忠賢誰能死燔炙
念彼藏皮冠安知獲堯客

送朱世昌使蜀七首

藹藹青城雲娟娟峨眉月隨我西北去
照我光不滅我在塵土中
白雲呼我歸我游江湖上
明月濕我衣岷峨天一
力雲月在我側謂是山中
人相望了不隔夢尋西南
路默數長短亭似聞嘉陵江
跳波吹枕屏送君無一物
清江飲君馬路穿慈竹林
父老拜馬下不用驚去
裝使者我友生聽訟如家人
細說為汝評

若逢山中，反問我歸何日為話。腰脚輕猶堪弄泉石。
正月二十四日與兒子過賴仙芝王原秀才
僧雲穎行全道士何宗一同遊羅浮山道院
及栖禪精舍過作詩和其韻寄邁迨

斷橋隔勝踐脫履欣小憇瘴花已繁紅官柳猶疎細
斜川二三十悼歎吾年逝淒涼羅浮館風壁頽雨砌
黃冠常苦飢迎客羞破袂仙山在何許歸鶴時墮毳
崎嶇拾松黃欲救齒髮弊坐令禪客笑一夢等千歲
栖禪晚置酒蠻果粲蕉荔齋厨釜無爨野餉籃有蕙
嬉遊趁時節俯仰了此世猶當洗業障更作臨水襖

寄語陽羨兒并語長頭弟門戶當努力我期畢租稅

次韻高要令峽山寺見寄

新聞妙無多舊學閑可束猶當隱李主未遽逃梅福
空腸吐餘思靜似蠶綴簇寸田結初果秀若銅生綠
荆棘掃誠盡黎粟憂不熟高人寧鑄金下士乃服玉
君看嶺嶠隘我欲巾笥蓄曾攀羅浮頂亦到朱明谷
旋觀真歷塊歸卧甘破屋故人老猶仕世味薄如藪
偶從越女笑不怕蠻江浴驚聞尺書到喜有新詩辱
應憐五管客曾作八州督骨銷讒口鑠膽破獄吏酷
隴雲不易寄江月乃可掬遙知清遠寺不稱空洞腹

寒驢步武碎短瑟絃柱促仰看泉落珮俯聽石響轂
千峯馮清駛一往無回矚一作狂雷失晤語過電不
容目要知僧長飢正坐山少肉人間無南北蝸角空
出縮仇池九十九嵩少三十六天人同一夢仙凡無
兩錄陋邦真可老生理亦粗足便回藝天焰長作照
海燭

東西新橋二首

惠州之東江溪合流有橋多廢壞以小舟渡羅浮
道士鄧守安始作浮橋以四十舟為二十舫鐵鑲
石礎隨水漲落榜曰東新一作橋州西豐湖上有長橋

屢作屢壞栖禪院僧希固築進西岸為飛閣九間
盡用石鹽木堅若鐵石榜曰西新橋皆以紹聖三
年六月畢工作二詩以落之

群鯨貫鐵索背負橫空霓首搖翻雪江尾挿崩雲溪
機牙任信縮漲落隨高低轉轆卷巨索青蛟掛長堤
奔舟免狂觸脫筏防撞擠一橋何足云誰傳廣一作
東西父老有不識喜笑爭攀躋魚龍亦驚逃雷電生
馬蹄嗟此病涉久公私困留稽姦民食此險出沒如
鳧鷖似賣失舡壺如去登樓梯不知百年来幾人隕
沙泥豈知濤瀾上安若堂與閨往來無晨夜醉病休

扶携使君飲我言妙割無牛鷄不云二子勞歎我捐
腰犀二士造橋予嘗助施犀帶我亦壽使君一言聽扶藜常當修
未壞勿使後噬臍

昔橋空一作本千柱掛湖如斷霓滄梁陷積淖破板隨

奔溪笑看遠岸沒坐覺孤城低聊因三農隙稍進百
步堤炎州無堅植潦水輕推擠十年誰在者鐵柱羅
浮西獨有石鹽木白蟻不敢躋似開銅駝峯如鑿鐵
馬蹄岌岌類鞭石山川非會稽嗟我久閣筆不書紙
尾鷺鷥蕭然無尺筭欲携飛空梯百夫下一杙椽此百
尺泥橋入石橋之下皆有堅木探囊頰故侯寶錢出

金閨子由之婦史頃入內得父老喜雲集簞壺無空

携三日飲不散殺蓋西村鷄似聞百歲前海近湖有

犀橋下舊名鱉湖那得變陵谷社瀆生菱藜後來勿

忘今冬涉水過臍

贈狄崇班李予

狄生臂鷹來見客不會揖踞床咤得雋借筋數禽入
短後掬豹裘猶濺猩血濕指呼索酒嘗快作長鯨吸
半酣論刀槩怒髮欲起立北方老獬子狂突尚不繫
要頭此慄悍氣壓邊鋒急夜走追鋒卓生斬活離級
持歸獻天王封侯穩可拾何為走獵師日使群毛泣

夜燒松明火

歲暮風雨交客舍淒薄寒夜燒松明火照室紅龍鸞
快焰初煌煌碧煙稍團團幽人忽富貴蕙帳芬椒蘭
珠煤綴屋角香液一作流一作銅槃生看十八公
俯仰灰燼殘齊奴朝慶一作榮萊公夜長歎海角一作庫一作無
此物燭盡更未闌

過淮贈孫君孚

過淮風氣清一洗塵埃谷水木漸幽茂菰蒲雜游龍
可憐夜合花青枝散紅茸美人游不歸一笑當誰供
故園在何處已偃子種松我行忽失路歸夢千山重

聞君有負郭二頃誰橫縱卷野畢秋獲殷床聞夜春
樂哉何所憂杜酒粥面濃宦游豈不好母令到千鍾

雨後行菜園

夢田聞雨聲喜我菜甲長平明江路濕並岸飛兩槳
天工真富有膏乳瀉黃壤霜根一番滋風葉漸俯仰
未任筐筥載已作盃盤想艱難生理窄一味敢專饗
小摘飯山僧清安寄真賞芥藍如菌蕈脆美牙頰響
白菘類羔豚冒土出躡掌誰能守火候小竈當自養

貧家淨掃地

貧家淨掃地貧女好梳頭下士晚聞道聊以拙自修

扣門有佳客一飯相邀留春炊勿草草此客未易媮
慎勿用勞薪感我如薰猶德人抱衡石銖黍安可度

羅浮小圃五詠

人參

上黨天下脊遼東真井底玄泉傾海腹白露洒甘醴
靈苗此孕育肩股或具體移根到羅浮越水灌清泚
地殊風雨隔臭味終祖禰青楹綴紫萼圓實墜紅米
窮年生意足黃土手自啓上藥無炮炙斲齧盡根抵
開心定魂魄憂恚何足洗糜身輔吾生既食首重稽

地黃

地黃飼老馬可使光照人吾聞樂天語諭馬施之身
我衰正伏櫪垂耳氣不振移根附沃壤蕃茂爭新春
沉水得穉根重湯養陳薪投以東河清和以北海醇
崖蜜助甘冷山薑發芳辛融為寒食錫嚙作瑞露瓊
丹田自宿火渴肺還生津願餉內熱子一洗胃中塵

枸杞

神藥不自閔羅生蒲山澤日有牛羊憂夜有野火厄
越俗不好事過眼等茨棘青莢春自長絳珠爛莫摘
短籬護新植紫筍生卧節根莖與華實收拾無棄擲
大將玄吾鬢小則餉我客似聞朱明洞中有千歲質

靈庵或夜吠可見不可索仙人儻許我借仗扶衰疾

甘菊

越山春始寒霜菊晚愈好朝來出細粟始覺芳歲老
孤根蔭長松獨秀無衆草晨光雖照耀秋雨半摧倒
先生卧不出黃葉紛可掃無入送酒壺空腸嚼珠寶
香風入牙頰楚些發天藻新萸蔚已滿宿根寒不槁
揚揚弄芳蝶生死何足道頗訝昌黎公恨爾生不早

薏苡

伏波飯薏苡禦瘴傳神良能除五溪毒不救讒言傷
讒言風雨過瘴癘久已亡兩俱不足道治一作但愛草

木長草六冬有宜珍產駢南荒絳囊懸荔枝雪粉剖
擯榔不謂蓬荻姿中有藥與糧春為芡珠圓炊作菰
米香子美拾橡栗黃精誑空腸今吾獨何者玉粒照
夜一作光

題盧鴻學士堂圖

昔為太室花盧岩在東麓百上登封壇一夜爾生足
徑歸不復往巒壑空在目安知有千老舒卷不盈軸
一處一盧生乘褐蔭喬木方為世外人行止何須錄
百年入篋筍大馬同一束嗟予縛世界歸未有茆屋
江千百畝田清泉映脩竹尚欲逃世名豈須上圖軸

蘆

蘆筍初似竹稍開葉似蒲方春節抱甲漸老根生鬚
不愛當夏綠愛此及秋枯苗葉倒風雨白花搖江湖
江湖不可到移植當勤劬安得雙野鴨飛來成畫圖

次韻致政張朝奉仍招晚飲

掃白非黃精輕身豈胡麻恠君仁壽者未覺生有涯
曾經丹化米親授棗如瓜雲蒸作霧楷火滅嘆雨巴
自此養金鼎無窮走河車至今許玉斧猶事萼綠華
君曾見永州何仙姑得藥餌之人疑其以此
壽長故有丹化米萼綠華之句皆是女山 我本三
生人疇昔一念差前身或苗十聖習氣餘驚蛇儒臞謝

赤松佛縛慙丹霞時時一篇出擾擾四座譁清詩得
可驚信美辭多夸回車入官 府治具隨貧家萍藿與
豆粥亦可成咄嗟

過湯陰市得豌豆大麥粥以示三子

朔野方赤地河壩但黃塵秋霖暗豆莢夏旱臞麥人
逆旅唱晨粥行庖得時珍青斑照匕筋脆響鳴牙齧
玉食謝故吏風餐便逐臣漂零竟何適浩蕩寄此身
爭勸加飲食實無負吏民何當萬里客歸及三年新

廉泉

水性故自清不清或撓之君看此廉泉五色爛摩尼

廉者謂我廉我以此名為有廉則有貪有慧則有癡
誰為柳宗元孰是吳隱之漁父足豈潔許由耳何緇
紛然立名字此水了不知毀與否有時盡不知無盡時
竭來廉泉上捋鬚看鬢眉好在_一在水中人到處常娛嬉

次韻子由所居六詠

堂前種山丹錯落馬腦盤堂後種秋菊碎金收辟寒
草木如有情慰此芳歲闌幽人正獨樂不知行路難
詩人固多感花發憶兩京石_以酒有正色玉樹真虛名
燦燦秋菊花卓為霜中英萸盤照重九微纈一作禁兩
鮮明

幽居有古意義井分西墻誰云三伏熱正一作湏一
盃涼先生坐忍渴群鷺自披猖衆散徐酌飲遠_一味
尤長

先生飯土塼無物與劉又何以娛醉客時嗅砌下花
井水分西鄰竹陰借東家蕭然行脚僧一身寄天涯
東齋手種柏今復幾尺長知有桓司馬榛茅為遮藏
近聞南堂松新枝出餘僵年來此懷抱豈復驚凡亡
新居已覆瓦無復風雨憂檜栽與籠竹小詩亦可求
尚欲煩貳師刺山出飛流應湏鑿百尺兩綆載一牛

種茶

松間旅生茶已與松俱瘦茨棘尚未容蒙翳爭交構
天公所遺棄百歲仍稚幼紫筍雖不長孤根乃獨壽
移栽白鶴嶺土軟春雨後踰旬得連陰似許晚遂茂
能忘流轉苦戢戢出鳥味未任供臼磨且可採摘嗅
千團輸大官百餅銜私鬪何如此一杯有味出吾園

次韻寄子由

我少即多難遭回一生中百年不易滿寸寸彎強弓
老矣復何言榮枯今兩空泥丸尚一路古語云十路
薄伽梵一路
空槃所向餘皆窮似聞崆峒西仇池迎此翁胡為適
南海復駕垂天雄下視九萬里浩浩皆積風四望古

今州屬此琉璃鍾離別何足道我生當有終渡海十
年間方鏡照兩童還鄉亦何有暫假壺公龍峨眉向
我笑錦水為君容天人巧相勝不獨數子工指點昔
游處蒿萊生故宮

安期生

安期生世知其為仙者也然太史公曰蒯通善齊
人安期生生嘗以策干項羽羽不能用羽欲封此
兩人終不肯受亡去予每讀此未嘗不廢書而歎
嗟乎仙者非斯人而誰為之故意戰國之士如魯
仲連虞卿皆得道者歟

安期本策士平日交前通膏干重瞳子不見隆準翁
應如魯仲連抵掌吐長虹難堪踞床洗寧揖扛鼎雄
事既兩大謬飄然籛漚遠風乃知經世士出世或乘龍
豈比山澤臞忍飢啖柏松縱使偶不死正堪為僕僮
茂陵秋風客望祖猶蟻蜂海上如瓜棗可聞不可逢

宥老穀

我墻東北隅張王惟老穀樹先樗櫟大葉等桑柘沃
流膏馬乳漲墮子楊梅熟胡為尋丈地養此不才木
蹶之得輿薪規以種松菊靜言求其用畧數得五六
膚為蔡侯紙子入桐君錄黃繒練成素黝面頰作玉

灌洒蒸成菌腐餘光吐燭雖無傲霜節幸免狂醒毒
孤根信微陋生理有倚伏投斧為賦詩德怨聊相贖

雜米

雜米買束薪百物資之市不緣耕樵得飽食殊少味
再拜請邦君願受一廛地知非笑昨夢食力免內愧
春秧幾時花夏稗忽已穉悵然撫耒耜誰復識此意

入寺

曳杖入寺門植杖禮世尊我是王堂仙謫來海南村
多生宿業盡一氣中夜存旦隨老鴉起飢食扶桑暎
光圓摩尼珠照耀玻璃盆來從佛印可稍覺魔忙奔

閑看樹轉午坐到鍾鳴昏收斂平生心耿耿聊自温
次韻子由月季花再生

幽芳本長春暫瘁如蝕月且將付造物未易料枯枿
也知宿根深便作紫筍茁乘時出婉婉為我暖栗冽
先生早貴重廟論推英拔而今城東瓜不記召南芟
陋居有遠寄小圃無闊躡還為久處計坐待行年匝
子由明臘果綴梅枝春盃浮竹葉誰言一萌動已覺
萬木活聊將玉蕊新世謂此玫瑰花此插向綸巾折

次韻子由浴罷

理髮千梳淨風晞勝湯沐閉息萬竅通霧散名乾浴

頽然語默喪靜見天地復時令具薪水漫欲濯腰腹
陶匠不可求盆斛何由足海南無浴器故常乾浴老鷄卧糞土
振羽雙瞑目倦馬驅風沙奮迅一噴玉垢淨各殊性
快愜聊自沃雲母透蜀紗琉璃瑩蘄竹稍似夢中覺
漸使生處熟楞嚴在床頭妙偈時仰讀返流歸照性
獨立遺所矚未知仰山禪已就季主卜安心會自得
助長無相督

借前韻賀子由生第四孫斗老

今日散幽憂彈冠及新沐况聞千里孫已報三日浴
朋來四男子大壯泰臨復開書喜見面未飲春生腹

無官一身輕有子萬事足舉家傳吉夢殊相驚凡目
爛爛開眼電碗碗峙頭玉但令強筋骨可以耕衍沃
不須論文章端解耗紙竹君歸定何日我計久已熟
長留五車書要使九子讀共與子由男知筆瓢有可一作
樂軒冕無留矚人言造似我窮達已可卜早謀二頃
田莫待八州督吾前移與八州

子由生日

上天不難知好惡與我一方其未定問人力破陰隲
少忍待其定報應真可必季氏生而仁觀過見其實
端如柳下惠焉往不三黜天有時而定壽考未易學

兒孫七男子次第皆逢吉遙知設羅門獨掩懸磨室
回思十年事無愧篋中筆但願白髮年年作生日
以黃子木拄杖為子由生日之壽

靈壽扶孔光菊潭飲伯始雖云閑草木豈忍蒙此恥
一時偶收用千載相癢痕南海無佳植野果名黃子
堅瘦多節目天材任操倚嗟我始剪裁世用或緣此
貴從老夫手往配先生几相從歸故山不愧仙人杞

謫居三適三首

旦起理髮

安眠海自運浩浩朝黃宮日出露未晞鬱鬱濛濛霜松

老櫛從我久疎齒含清風一洗耳目明習習萬竅通
少年苦嗜睡朝謁常怱怱爬搔未云足已困冠巾重
何異服轅馬沙塵滿風髻雕鞍響珂月實與柶械同
解放不可期枯楊豈易逢誰能書此樂獻與腰金公

午憩坐睡

蒲團盤兩膝竹几閣雙用此間道路熟徑到無何有
身心兩不見息息安且久睡蛇本亦無何用鈎與手
神凝疑夜禪體適劇卯酒我生有定數祿盡空餘壽
枯楊不飛花膏澤回衰朽謂我此為覺物至了不受
謂我今為夢此心初不垢非夢亦非覺請問希夷叟

夜卧濯足

長安大雪年來新抱衾稠雲安市無井斗水寬百憂
今我逃空谷孤城笑鵝鷓得米如得珠食菜不敢留
况有松風聲釜萑鳴颼颼瓦盆深及膝時復冷暖投
明燈一剪瓜快若鷹鷂辭鞵天低瘴雲重地薄海氣浮
土無重脰藥獨以薪水瘳誰能更包裹冠佩裝沐猴

寄周安孺茶

大哉天宇內植物知幾族靈品獨標奇迥超凡草木
名從姬旦始漸播桐君錄賦詠誰最先厥傳惟杜育
唐人未知好論著始於陸常李亦清流當年慕高躅

遂使天下士嗜此偶於俗豈但中土珍兼之異邦嚮
鹿門有佳士博覽無不矚邂逅天隨翁篇章互賡續
開園頤山下屏跡松江曲有興即揮毫燦然存簡牘
伊予素寡愛嗜好本不篤越自少年時低回客京轂
雖非曳裾者庇廕或華屋頗見綺紈中齒牙厭梁肉
小龍得屢試糞土視珠玉團鳳與葵花碇碇雜魚目
貴人自矜惜捧玩且緘櫝未數日注卑定知雙井辱
於茲自研討至味識五六自爾入江湖尋僧訪幽獨
高人固多暇探究亦頗熟聞道早春時携簞屨赴初旭
驚雷未破蕾采采不盈掬旋洗玉泉蒸芳馨豈停宿

頤史布輕縷火候謹盈縮不憚頃間勞經時廢蕺蓄
髻筒淨無涿箸籠勻且復古畏梅潤侵暖頤人氣煥
有如剛耿性不受纖芥觸入若廉夫心難將微穢瀆
晴天敞虛府石碾破輕綠水日遇閑賓乳泉發新馥
香濃奪蘭露色嫩欺秋菊閩俗競傳誇豐腴面如粥
自云葉家白頗勝中山醪好是一杯深午窓春睡足
清風擊兩腋去欲凌鴻鵠嗟我樂何深水經亦屢讀
子院中冷次乃康王谷山琳山培頤曾嘗瓶罌走僮僕
如今老且懶細事百不欲夫惡兩俱忘誰能強追逐
薑鹽拌白土稍稍從吾蜀尚欲外形體安能徇心腹

由來薄滋味日飯止脫粟外慕既已矣胡為此羈束
昨日散幽步偶上天峯蓋山園正春風蒙茸萬旗簇
呼兒為佳客採製聊亦復地僻誰我從包箬置厨簾
何嘗較優劣但喜破睡速况此夏日長人間正炎毒
幽人無一事午飯飽蔬菽困卧北窓風風微動窓竹
乳甌十分滿人世真局促意爽飄欲仙頭輕快如沐
昔人固多癖我癖良可贖為問劉伯倫胡然枕糟麪
鮮于君以詩文見寄作詩謝之

我懷元祐初瑋璋滿清班維時南隆老奉使獨一作
未還迂叟向我言青齊成方艱斯人乃福星遣出虛

危間

君實云子駿福星也

京東困甚復令往彼召用既晚矣天命良復堅

一朝失老驥寂寞空帝閑至今清夜夢枕衾有餘潛
喜聞二三子結髮師閔顏高論傾河漢清詩鳴佩環
遙知三日雪積玉埋松山誰念此幽桂坐蒙榛與營
故人去頰尾投詩清冷灣

韓退之為孟郊墓誌云以昌其詩舉此問王
定國曰當昌其身耶昌其詩也來詩下語未
契作詩答之

昌身如飽腹飽盡還復飢昌詩如膏面為人作容姿
不如昌其氣鬱鬱老不衰雖云老不衰劫壞何所之

不如昌其志志一氣自隨春之塞天地孟軻不吾欺
人言魏勃勇股慄向小兒何如魯連子談笑却秦師
慎忽怨謗讒乃我得道資然泥生蓮花糞壤出菌芝
賴此善知識使我枯生美吾言豈須多冷暖子自知

過廬山

亂雲欲埋山勢與飄風南群嶺相應和勇往爭驂驛
可憐蒼蔚中時出紫翠嵐西沒失東嶺龍橋見西龕
一時供坐笑百態變立談暴雨破塊北清飈揮渾酣
廓然歸何處陋矣安足戡亭亭紫霄峯窈窕白石庵
五老數松雪雙溪落天潭雖云默禱應已有移文慰

余自城中還道中雲氣自山中來如群馬奔
突以手撥開籠收其中歸家雲盈籠開而放
之作攜雲篇

物役會有時星言從高駕道逢南山雲歛吸如電過
竟誰使今之袞袞從空下龍移相排撈鳳舞或類亞
散為東郊霧凍作枯樹稼或飛入吾車偏仄人肘膝
搏取置笥中提携反茅舍開緘仍放之掣去仍變化
雲兮汝歸山無使達官怕

遊山呈通判承議寫寄參寥師

煌煌世曹餘夫子非碌碌由來有詩書所以能絕俗

得官本一朔瓜期未易促扁舟下南來逸駕追鳴鶴
遇勝即從伴風餐兼露宿嗟予偶傾蓋一笑外羈束
杖策每過從相携訪山谷東風披鮮雲繡錯出林麓
松門有時蓋幽景無斷續崖轉間鐘聲林疎見華屋
銜山餘落京歸迹猶躑躅誰云鄴下歡往事不可復
吾曹二三事取樂亦云足願公寄新詩一一能見錄
船頭行北歸囊橐有美玉塵埃京洛人亦與洗心目

和郭功父韻送芝道人游隱靜

觀音妙智力應感隨緣度芝師訪東坡寧辭萬里步
道義偶相契十年同去住行窮半世間又欲浮盃渡

我願焚囊鉢不作陳俗具會取却歸時只是而今路

次韻魯直戲贈

昨夜試微涼汗余初退紅我願隨秋風隨身入房櫳
君王不好事只作好驚鴻細看卷萬雲尾我家真栗蓬

夜坐與邁聯句

清風來無邊明月翳復吐自松聲滿虛空竹影侵半
戶邁暗枝有驚鵲壞壁鳴飢鼠自露葉耿高梧風螢
落空廡邁微涼感團扇古意歌白紵自樂哉今夕游
復此陪杖屨邁傳家詩律細已自過宗武短詩滕上
成聊以慰懷祖自

寄傲軒

先生英妙年一掃千兔禿仕進固有餘不肯踐場屋
通闕何所傲傲名非傲俗定知軒冕中享榮不償辱
豈無自安計得失猶轉轂先生獨揚揚憂患莫能瀆
得如虎挾乙矢若龜藏六茅簷聊寄寓俛仰亦自足
東坡無邊春方寸盡藏蓄醉哦傍若無獨備一樽醪
床頭車馬道殘月掛疎木朝客紛擾時先生睡方熟

九日次定國韻

朝菌無晦朔蟪蛄疑春秋南柯已一世我眠未轉頭
仙人視吾曹何異蜂蟻稠不知蠶觸氏自有兩國憂

我觀去來今未始一念留奔馳竟何得而起無窮羞
王郎誤涉世屢獻久不酬黃金散行樂清詩出窮愁
俛仰四十年始知此生浮軒裳陳道路往往兒童收
封侯起大第或是君家驕似聞負販人中有第一流
炯然徑寸珠藏此百結裘意行無車馬倏忽略九州
邂逅獨見之天與非人謀笑我方醉夢衣冠戲沐猴
力盡病騏驥技窮老伶優北山有靈根寸田自可糴
會當無何鄉同作逍遙遊歸來城郭間空有累累立

榆

我行汴堤上厭見榆陰綠千株不盈畝斬伐同一束

及居幽囚中亦復見此木蠹皮溜秋雨病葉埋牆曲
誰言霜雪苦生意殊未足坐待春風至飛英覆空屋

槐

憶我初來時草木向衰歇高槐雖驚秋晚蟬猶抱葉
淹留未云幾離離見踈莢栖鴉寒不去哀叫飢啄雪
破巢帶空枝踈影掛殘月豈無兩翅羽伴我此愁絕

竹

今日南風來吹亂庭前竹低昂中音會甲刃紛相觸
蕭然風雪意可折不可辱風霽竹已亦一作回倚倚散
青玉故山今何有秋雨荒籬菊此君知健否歸掃

野田

桓

汝園多亦木翠栢如清羣幽囚無與樂百日看不已

未忍踐落子當年誰所種少長與
應見李將軍瞻落温

為

問淵明或曰東坡此詩與淵明者未始知非

地元耕日

子知神非形何復異人天豈唯三才中所在靡不然
我對而高之則為星斗懸我散而卑之寧非山與川

三皇雖云沒至今在我前八百要有終彭祖非永年
皇皇謀一醉發此露權妍有酒不辭醉無酒斯飲泉
立善求我譽飢人食饑涎委運惡傷生憂運一作去生
亦遷縱浪大化中正為化所纏應盡便酒盡寧復事
此言

蘇文忠公集卷第十六

